

欽定滿洲源流考卷十五

山川二

混同江 即松阿哩江亦稱松花江

御製松花江詩

滾滾遙源出不咸 松花江即混同江源出長白山山海經作不咸山 大東

王氣起

龍潛劈空解使山原折接上那辭霧雨添兩岸參差青

嶂印一川縈繆碧波恬地中呈象原檐鼓 松花江

哩烏拉得名松阿哩者即國語天河也 石辨支機孰是巖

欽定滿洲源流考 卷十五

山川

御製松花江放船恭依

皇祖詩韻

隆崇

長白佑維清松花江源山頂生飛流銀河練影明縈

迴千里竹箭輕望

祭申悃和鸞鳴臨江遂命青雀橫水天上下秋光晶

馮夷靜恬濤不驚擊汰直達吉林城滄浪之水義

最精俯看直欲濯我纓詎必昆明習戰兵隆崇

長白佑維清繼繩

祖烈希景行從流寧爲

去聲欣淳泓

御製松花江捕魚

松江網魚亦可觀潭清潦盡澄秋烟虞人技癢欲
効悃我亦因之一放船施罟滅滅旋近岸清波可
數條鱸鯉就中鱠鯉稱最大度以尋丈長鬚軒波
裏頽如玉山倒擲又百中誠何難鈞牽繩曳乃就
陸椎牛十五一當焉舉網邪許集衆力銀刀雪戟
飛續緡計功受賜卽命罷方慮當秋江水寒

魏書勿吉國有大水濶三里餘名速末水

按速

欽定滿洲源流考

卷十五

山川

二

末卽混同江亦作粟末

新唐書粟末靺鞨依粟末水以居水源於太

白山

遼史本紀聖宗太平四年詔改鴨子河曰混

同江

遼史上京臨潢府有鴨子河

金史本紀遼都統蕭嘉哩副都統托卜嘉

滿洲

語膝也舊作撻不野今改

將步騎十萬會於鴨子河北太

祖自將擊之

〔金史〕本紀收國元年八月上親征黃龍府次混同江無舟上使一人導前乘赭白馬徑涉曰視吾鞭所指而行諸軍隨之水及馬腹後使舟人測其渡處深不得其底

〔金史〕世紀混同江亦號黑龍江按混同江自長白山北流

折而東與黑龍江會黑龍江出喀勒喀北界東南流與混同江會實係二水合流非一水而二名也史文殊誤

〔金史〕上京路水有混同江松阿哩江鴨子河

按混同江即松阿哩江遼史又稱即鴨子河金志誤分為三水

欽定滿洲源流考 卷十五 山川 三

〔金史〕世宗大定二十五年冊混同江之神為

興國應聖公立廟致祭

〔契丹國志〕長白山黑水發源於此按黑龍江並不發源

長白此蓋誤以混同為黑水也舊云粟末河太宗破晉改為

混同江按遼史聖宗時始改名混同江葉隆禮契丹國志作太宗誤也

〔許亢宗奉使行程錄〕古烏舍寨枕混同江湄

其源來自廣漠之北遠不可究自此南流五

百里接高麗鴨綠江注海按此條舛誤尤甚

流會黑龍江東入海乃云來自廣漠之北南流會鴨綠蓋據圖臆揣之誤也

元一統志混同江俗呼松阿哩江源出長白

北流經舊建州詳前部族門及渤海疆域條西五十里會

諸水東北流經故上京見金上京條下達五國頭

城見前疆域門北又東北注於海

明統志混同江在開原城北一千五百里源

出長白山舊名粟末河俗呼松阿哩江北流

經金故會寧府下繞五國頭城東注於海松

花江在開原東北一千里源出長白山北流

經故南京城合輝發江混同江東流注海按混

欽定滿洲源流考

卷十五

山川

四

同江發源於長白山北自吉林東南北流出
邊受嫩江折而東北受黑龍江南受烏蘇哩
江東注於海遼太平四年詔改鴨子河為混
同江混同之名始見於此土人呼為松阿
哩江金志作宋瓦江則松阿哩音之誤也明
統志作松花江則宋瓦之轉音也金史本紀
有云混同江一名黑龍江指下流交會之處
言之或以此江名松花而以薩哈連烏拉為
混同誤也金史地理志既載混同江又載宋
瓦江鴨子河是不知一江之有三名而誤以
為三水明統志既載混同江又載
松花江是又誤以一江為二水云

鴨綠江

漢書地理志元菟郡西蓋馬縣馬訾水西北

入鹽難水西南至西安平入海過郡二行二

千一百里

通典馬訾水一名鴨綠江源出靺鞨白山水色似鴨頭故名

通鑑大業八年伐高麗分道並進皆會於鴨綠水西

通鑑貞觀十九年程名振等拔卑沙城遣將耀兵於鴨綠水又龍朔元年契苾何力討高麗高麗守鴨綠不得濟何力乘堅冰渡水大破之乾封二年李勣伐高麗管記元萬頃檄

欽定滿洲源流考

卷十五

山川

五

文曰不知守鴨綠之險高麗報曰謹聞命矣即移兵拒守唐兵不得渡

遼史聖宗統和二十八年自將伐高麗大軍渡鴨綠江康肇拒戰敗之

通考女真世居長白山鴨綠水之源

元一統志鴨綠江在遼陽路東五百六十里按唐書馬訾水出靺鞨白山西與鹽難水合又西南至安平入於海唐太宗征高麗遣邱孝忠耀兵於鴨綠水即此今考其源出於長

白山西南流經故博索府

見前疆城門

東南入海

高麗圖經鴨綠之水源出靺鞨其色如鴨頭

故以名之去遼東五百里又西與一水合即

鹽難水也二水合流西南至安平城入海高

麗之中此水最大波瀾清澈其國恃此以為

天塹水濶三百步在平壤城西北四百五十

里遼水東南四百八十里自遼水以東即屬

契丹大金以其地不毛不復城守徒為往來

之道而已

按鴨綠水其色如鴨頭乃史家傳會之論詳見完顏部條

欽定滿洲源流考

卷十五

山川

六

明統志鴨綠江在遼東都司城東五百六十

里按鴨綠江在吉林烏拉南九百七十里源出長白山西南流與朝鮮分界至鳳凰城

東南入海即古馬訾水亦名益州江蓋渤海益州所治也見前疆域門

愛呼河

金史烏庫哩

舊訛烏古論今從八旗姓譜改

薩哈

滿洲語小圍也舊訛

三合今改海蘭路愛呼河人

金史烏雅

舊訛烏延今從八旗姓譜改

和囉噶

蒙古語墻圍也舊訛

胡里改今改海蘭人從徙愛呼穆昆家焉

愛呼舊訛愛也

窟今改正

元一統志長白山頂有潭周八十里南流爲

鴨綠江北流爲混同江東流爲愛呼河

明統志愛呼江源出長白山東流入海案元

志又俱訛爲阿也苦今併改考盛京通志吉林諸河多發源於長白山諸窩集中而自入海者惟混同鴨綠圖們三江愛呼河自納穆窩集會拉發河入混同江今明統志云入海誤

圖們江

金史景祖兵勢稍振圖們舊訛統門今改正水温特

赫舊作温迪痕今據八旗姓譜改正部來附

欽定滿洲源流考 卷十五 山川 七

金史天會九年以圖們水以西和屯錫馨珊

沁三水以北閒田給海蘭路諸穆昆按圖們江在寧

古塔城南六百里源出長白山東北流遼朝鮮北界復東南折入海

佟佳江

漢書地理志馬訾水西北入鹽難水按與鴨

流入海者惟佟佳江爲大漢書所稱鹽難水當卽是也

新唐書鴨綠水西與鹽難水合

元一統志大蟲江在遼陽路發源原缺縣名縣東

南龍鳳山分水嶺下東南流經廢博索府見前

疆域
南流合於鴨綠江

明統志大蟲江在遼東都司城東南四百里

源出龍鳳山南流入鴨綠江按一統志云佟佳江在吉林烏

拉城南八百里亦名通佳江南流會鴨綠江即古鹽難水明統志有大蟲江疑即佟佳

江也今考佟佳江源出分水嶺西南流受哈爾敏諸水鴨綠江自東來會南入於海龍鳳

山之名無可考惟鳳凰城西北有龍鳳臺山

遼河亦名句驪河巨流河

御製渡句驪河

句驪舊遼水千載帶遼陽古客曾何在
今人引興

欽定滿洲源流考

卷十五

山川

八

長蒹葭餘敗質汀嶼何蒼茫飲練雙長虹橫卧水

中央幾箇無心鷗衝波任翱翔戰勳尋堞壘世態

驚滄桑惟此東流水今古無閒忙積素漫兩岸流

澌聲琅琅誰能呼舴艋捕彼鯉與魴近樹銀為飾

遠山玉作裝憑輿愁峭寒披裘且徬徨常時禁體

詩苦吟讀書堂奚如眺攬餘萬景箇中藏

御製渡遼水

鏡影照龍旃

橋山展謁旋寧同貞觀后撤揭為開邊

漢書地理志大遼水出塞外南至安市入海
行一千二百五十里

〔三國魏志〕司馬懿伐公孫淵圍襄平會大霖
雨遼水暴漲運船自遼口竟至城下平地水
數尺

〔水經〕大遼水出塞外衛白平山東南入塞過
遼東襄平縣西又東南過房縣西又東過安
市縣西南入於海

〔水經注〕遼水亦言出砥石山自塞外東流直
遼東之望平縣西屈而西南流逕襄平縣故
城西又東逕遼隊縣故城西又南小遼水注
之又右會白狼水至安市縣入海

〔隋書〕開皇八年命漢王諒討高麗軍次遼水
高麗遣使謝罪乃罷兵

〔通鑑〕大業七年諸軍會遼水高麗阻水拒守
隋兵不得濟命宇文愷造浮橋三道於遼水
西岸既成引橋趨東岸橋短丈餘士卒赴水
接戰高麗乘高擊之爲所敗乃引橋復就西

岸命何稠接橋二日而成諸軍進戰於東岸
通鑑貞觀十八年遣營州都督張儉討高麗
值遼水漲儉等久不得濟次年車駕至遼澤
泥淖二百餘里人馬不可通詔闡立德布土
作橋既濟撤之以堅士心及師還遣長孫無
忌將萬人剪草填道深處以車爲梁上自繫
薪於馬鞞以助役

通典貞觀二十一年李勣破高麗於南蘇班
師至頗利城渡白狼黃崑二水皆由滕以下

欽定滿洲源流考

卷十五

山川

十

勤怪二水狹淺問契丹遼源所在云此二水
合而南流卽稱遼水更無遼源可得也按遼

源一爲吉林之赫爾蘇河一爲潢河又有喀
喇沁之土河東流合於潢河水經注稱遼水
過房縣西右會白狼水又稱白狼水經古黃
龍柳城之北與今土河相合故或疑白狼水
卽土河然按之水經注亦難一一脗合且李
勣自南蘇班師南蘇爲今復州寧海地去潢
河上河甚遠唐書所言未足爲據又明志以
艾河土河合流爲遼河上源尤不足信耳

通典大遼水源出靺鞨國西南山南流至安
市入海

遼史東京遼陽府遼河出東北山口會范河

原本會誤作爲范河源出嘉穆呼
山入遼河別係一河也今改正
西南流爲

大口入於海

金史遼陽府瀋州章義縣有遼河

元一統志遼河在遼陽路西一百五十里按

前漢地理志遼東郡望平縣下注云大遼水

出塞外後漢書注引山海經曰遼水出白平

東郭璞曰出塞外御白平山
此作御白平與今本水經異

今按圖冊上從咸平府界流經瀋陽府城西

北一百二十里下流入廣寧路境

欽定滿洲源流考

卷十五

山川

明統志遼河源出塞外自三萬衛西北入境

南流經鐵嶺瀋陽都司之西境廣寧之東境

又南至海州衛入海
按遼河東源出吉林城西南之庫呼訥窩集爲

赫爾蘇河北流出邊西北繞鄧子村又西南折與潢河會其西源卽潢河也二河合流自

開原縣入邊經鐵嶺入雙峽口分爲二日內遼河外遼河繞縣之西南復合爲一至開城

爲巨流河亦名句驪河又作柵柳河又分流復南漚經海城縣西與太子河會遂爲三汊

河入海水經所稱衛白平山及砥石山皆傳聞未審之辭耳

渾河 瀋水

漢書地理志高句麗遼山遼水所出西南至

遼隊入大遼水

水經元菟高句麗縣有遼山小遼水所出西南至遼隊入於大遼水

水經注小遼水出遼山西南經遼陽縣與大梁水會又東南逕襄平縣為淡淵晉永嘉三

年涸又逕襄平縣入大梁水按渾河與太子河會西流合遼

河為三汊河故漢志云入大遼水此云入大梁水疑大遼水之誤與大梁水會已見上文太子河也

遼史東京遼陽府渾河在東梁范河之間

欽定滿洲源流考

卷十五

山川

十三

金史東京路瀋州樂郊縣有渾河貴德州奉集縣亦有渾河

元一統志渾河在遼陽路本路圖冊引遼志

云源自越喜國見前鞞鞞條出熊水西北合衆流

會溜水屈曲數千里入於海按地志集畧云

源出女真國西流過貴德州由州西流入梁

水西南七十里合遼河入於海

元一統志渾河在瀋陽路源出廢貴德州東

北西南經瀋州南一十五里遼陽西四十里

會太子河合遼水南注於海舊稱瀋水水勢

湍激沙土混流故名渾河今水澄澈遇漲則

渾按元一統志所稱蓋即一水以圖冊分載而兩存之也盛京通志又載有小瀋水

俗名五里河在承德縣城南自東關觀音閣

東發源一名萬泉河流至驛子園南入渾河

水北曰陽瀋陽之名以此明志稱一名

活水高永昌拒金兵於活水者非是

明統志渾河源出塞外西南流至瀋陽衛合

沙河又西南流至遼東城西北入太子河按

河發源自長白山納嚕窩集中西北流入英

額邊門經興京界內繞盛京之西南至

欽定滿洲源流考

卷十五

山川

三

太子河 亦名大梁水衍水東梁河

漢書地理志遼陽縣大梁水西南至遼陽入

遼

遼史地理志東梁河自東山西流與渾河合

為小口會遼河入於海又名太子河亦曰大

梁水

金史地理志東京路遼陽府遼陽縣有東梁

河國名烏勒呼滿洲語蘆葦也舊必喇俗名

太子河宜豐縣遼舊衍州亦有東梁河按太子河

亦名衍水以燕太子丹匿於衍水故名太子河遼衍州之名當取於此也

通考大梁水出塞外西南流注小遼水

明統志太子河源出果囉舊作幹羅今改正山西流

五百里至遼東城東北五里許折而西南流

至渾河合為小口會遼河入海按太子河在遼陽州北十

五里即古大梁水一名東梁河源出吉林薩木禪山自葦子峪入邊西南流至州西北合

渾河又西至海城縣西北入遼河明志以為出果囉山蓋傳聞之誤

沙河

遼史地理志東京遼陽府沙河出東南山西

欽定滿洲源流考

卷十五

山川

十四

北流經蓋州入於海

金史地理志東京路澄州析木縣有沙河按奉

天及錦州水名沙河者凡十有八其源委皆別在承德遼陽海城開原復州寧遠者各一

在蓋平者二在寧海者四在廣寧義州者各三其在遼陽者源出王千戶嶺至船城入太

子河在蓋平者源出雞冠山至小松島入海蓋平即蓋州遼史所云當即是此在海城者

源出南分水嶺西北流入三汊河海城即金澄州疑此為金史所稱之沙河也

大清河

遼史地理志東京遼陽府有清河

金史地理志咸平路咸平府銅山縣北有清

河

明統志大清河源出三萬衛東北分水嶺南

流經城東南入遼河按大清河在開原縣東三十里其上源為哈達

河出吉林達揚阿嶺會覺羅阿魯諸河經拐磨子山即為清河扣河自東來會西入遼河

柴河

金史地理志咸平路咸平府銅山縣南有柴

河新興縣北有柴河

明統志柴河源出瀋陽衛東諸山西流經城

北入遼河按柴河在鐵嶺縣城北二里源出分水嶺至席家莊入遼河

欽定滿洲源流考

卷十五

山川

十五

范河

遼史地理志東京遼陽府北至挹婁縣范河

二百七十里

金史地理志咸平路咸平府新興縣有范河

按范河在鐵嶺縣城南三十里亦名汎河源出嘉穆呼山至螞蜂溝入遼河

輝發河

通考契丹時自咸州東北至粟末江中間所

居之女真謂之輝發舊作回霸今改正按輝發之名始見於此

初輝發國居輝發河邊因為國號遼時部名亦當取此

金史赫舍哩 舊作統石烈今 **呼喇** 蒙古語雨

刺今 **輝發川人**

明統志輝發 舊作灰扒 **江至海西合混同江**

按輝發河在吉林城南三百二十里源出納
嚕窩集即遼吉善河圖們河三屯河合流處
東北入混同江圖們河與發
源長白之圖們江非一水也

伊屯河

金史額圖瑋 滿洲語強壯也舊 **從攻黃龍府**

援昭蘇 蒙古語錢也舊 **城夜過伊屯** 舊訛益

正 **水詰朝大敗契丹兵**

欽定滿洲源流考 **卷十五** **山川** **十六**

明統志伊屯河在三萬衛西北 按明志訛一

統稱龍安一統河龍安者隆安之誤遼之黃
龍府金為隆州貞祐初陞為隆安府伊屯河
正在其地故有是稱 盛京通志伊屯河在
吉林城西二百九十餘里源出額赫峯北流
出邊東入混同江
伊屯門即在河西

伊爾們河

金史温都 舊作温敦今從 **布拉** 滿洲語荆棘

今改 **始居長白山後徙隆州伊爾們河** 舊作

閱今

改正 **金史瑄都授上京伊爾們世襲明安**

明統志伊爾們河在開原城北北流合伊屯

河入松花江

按明志訛伊迷又訛引門皆伊爾們之轉音金隆州卽在吉林

烏拉西其爲伊爾們無疑考伊爾們河在吉林西百四十里源出庫呼訥窩集東北流會

伊屯河入混同江

小凌河

御製小凌河

顏垣敗壘動經過防禦當年事若何上將生降中

左所監軍坐擁小凌河

明末各路用兵皆有內監軍若輩擁強兵以自衛

驅殘疾使當戰債事率由此

一時成敗滄桑易千古興亡感慨

欽定滿洲源流考

卷十五

山川

七

多幾許英雄淘洗盡濤聲依舊送迴波

遼史興中府有小凌河

元一統志凌河在大寧路興中州南十里源

出龍山縣楊柳部落流經本州

明統志小凌河源出大寧自廣寧左屯衛西

入境合女兒河及哈喇河入海

按小凌河在錦縣東源出

土默特右翼明安喀喇山蒙古名明安河由松嶺門西入邊南流至唐家臺西入海

大凌河

御製大凌河

金根迤邐過初度大凌河戰蹟

當年烈憂懷此日多守成知不易

開創事如何駟牧今銷燧名駒蒸寢訛

大凌河乃當年用武之地今為

牧場矣

元一統志大凌河在興中州下流入義州境

明統志大凌河源出大寧自義州西六十里

入境南流經廣寧左右屯衛入海

按大凌河源出喀喇

沁左翼威蘇圖山東北折入土默特右翼界蒙古名鄂木倫東流經古興中州城南折東南流入義州九官臺邊至鮎魚塘東入海

欽定滿洲源流考

卷十五

山川

六

羊腸河

遼史遼州有羊腸河

元一統志羊腸河在遼陽路源出州西之廢

遼州

遼時州名

境經州北四十里下流合入遼河

明統志路河在廣寧衛東四十里其上流為

羊腸河源出白雲山經鎮武堡入鑱刀湖又

東合潮河入遼河自海運廢河道阻塞

按盛京

通志羊腸河源出邊外白土廠門東入廣寧縣境至蛇山散漫與元志所稱入遼河不同

蓋明時廢塞也

珠子河

遼史遼州有錐子河

按遼之遼州在廣寧縣界錐子河即珠子河音

相近而誤也

明統志珠子河源出廣寧東北一百里白雲

山南流入遼河

按珠子河在今廣寧縣東北四十里盛京通志稱山水

盛時有河旱則水乾或呼為錐子河

率賓水 扎蘭水

金史昭祖耀武入於率賓扎蘭之地所至克

捷

欽定滿洲源流考

卷十五

山川

九

金史烏庫哩埒克

滿洲語礪石也舊作留可今改正

與率賓

水達薩塔

滿洲語整也舊作敵庫德今改起兵

金史穆宗時率賓水民不聽命使威泰

舊作幹帶

今改解見前

召諸官告諭之

金史穆宗使訥格納往治伊喇等行至率賓

水輒抄掠其人遂入穆魯密斯罕城及烏色

伊克來問狀止率賓水西諾木歡村訥格納

止率賓水東烏滿村

金史康宗初率賓水鴻觀部及威準哲爾德

二部有異志威泰治之

金史威泰將兵伐沃赫募軍於率賓水

金史訥格納募率賓水人爲兵不聽輒攻畧之烏色撫定其民康宗二年威泰治率賓水諸部烏色佐之

金史康宗二年率賓水諸部不聽命使威泰往治其事行次呼爾哈川薩哈村召諸部皆至

金史都古嚕納爲扎蘭路達貝勒太祖以扎

欽定滿洲源流考

卷十五

山川

二十

蘭地薄斥鹵遷其部於率賓水

金史天會二年徙扎蘭路達貝勒完顏忠於率賓水

金史海陵置率賓路節度使世宗時近臣請改率賓爲扎蘭節度使不忘舊功上曰率賓扎蘭二水相距千里節度使治率賓不必改實圖美親管明安子孫襲封者可改爲扎蘭明安以示不忘其初

金史思敬本名薩哈扎蘭河人實圖美之子

明統志率賓河在建州東南下流入於海

金時率賓路之名以此按率賓本渤海府名金為率賓路誤作蘇濱亦

作恤品皆因水得名其實一也明志稱在建州東南考盛京通志無此河名惟開原東南一百九十餘里有碩賓河與率賓河音實相近疑明人不知碩賓之即為恤品而誤傳在遠地耳率賓府率賓路詳見疆域門

海蘭水

金史景祖時海蘭水有率眾降者錄其歲月

姓名即遣去

金史海蘭水烏凌噶部拒阻不服景祖攻之

欽定滿洲源流考

卷十五

山川

三

金史歡塔與碩碩歡合兵於圖們水阿里首

敗敵兵高麗入寇以我兵守要害不得進乃

還阿里追及於海蘭水高麗人爭走水上阿

里乘之殺畧幾盡

元史海蘭府有海蘭河流入於海

元一統志海蘭河在瀋陽路經舊建州東南

一千里入於海

明統志海蘭河在建州東東南流千餘里入

海元海蘭府以此名

按盛京通志海蘭河凡數處入混同江者二

入呼爾哈河者一入布爾哈圖河者一無入
海之文元史稱海蘭府地近高麗又稱經舊
建州東南則自以近高麗者為是考皇輿
全圖寧古塔南四百餘里有按巴海蘭河阿
濟格海蘭河二源合流會布爾哈圖河以達
于噶哈哩河金元史所稱當即是也海蘭府
海蘭路詳見
前疆域門

拉林河

金史拉林舊作來流今改水烏蘇展部殺完顏部人

昭祖以國俗治之大有所獲

金史景祖敗舍音舊作謝野今改解見前往見遼邊將

行次拉林水而復

欽定滿洲源流考

卷十五

山川

三

金史拉必略拉林河牧馬世祖擊之

金史烏春以其衆涉和倫拉林二水世祖親

往拒之

金史烏春使人來讓曰拉林水以南布克坦

水以北皆吾土也

金史遼遣節度使伊里滿洲語立也舊作乙烈今改來穆

宗至拉林水興和村見之

金史太祖進軍寧江州諸部兵皆會於拉林

水

〔金史〕太祖與薩哈分治諸部必塔水以北太祖統之拉林水人民薩哈統之

〔金史〕太祖晝寐於拉林水傍夢威秦之場圃火禾盡焚覺而深念之以為憂

〔金史〕熙宗天眷元年詔罷拉林河混同江護邏地與民耕牧

〔金史〕熙宗皇統二年上獵於拉林河

〔松漠紀聞〕自上京一百五十里至拉林河

〔北盟會編〕第三十八程至拉林河三十九程

欽定滿洲源流考

卷十五

山川

三

至上京

〔許亢宗奉使行程錄〕三十六程自呼勒希寨八十里至拉林河

〔明統志〕拉林水在會寧北出三萬衛境馬孟

山東流至黃龍府東又東南流入女真境又

東北流入混同江

按拉林河在吉林城東北二百二十五里源出吉林

東北之拉林山北流入混同江明志所云未得其實蓋傳聞之誤

阿勒楚喀河 海古勒水

〔金史〕上京海古勒之地阿勒楚喀水源於此

阿勒楚喀舊作按出虎今改正按金史誤解
按出虎爲金以附會金源二字之義考金源
爲遼時縣名地屬中京金因之屬北京以地
有金甸而名在今喀喇沁右翼界與金初起
之上京無涉詳見疆域門金上京條阿勒楚
喀河源在吉林東北據松漠紀聞北盟會編
大金國志等所載金上京行程過拉林河一
程卽至上京驛館拉林河東至阿勒楚喀不
過百餘里阿勒楚喀河源在吉林城東北三
百里拉林河源在吉林城東北二百二十五
里核之諸書所載上京官闕在混同江東二
百六十里去拉林河一百七十里者俱屬相
合此按出虎卽阿勒楚喀之明証也

金史上京水有阿勒楚喀

金史獻祖徙居海古勒水始築室有棟宇之

欽定滿洲源流考

卷十五

山川

三

制遂定居於阿勒楚喀水之側

金史博囉與獻祖俱徙海古勒水置屋宇焉

金史世祖將出兵聞伯赫死乃泐阿勒楚喀

水行且欲并取海古勒珠爾蘇之衆而後戰

金史世宗大定二十四年幸阿勒楚喀水臨

漪亭壬戌閱馬於綠野淀丙午獵於巴延淀

金史熙宗天眷元年阿勒楚喀河溢

金史杲本名薩里罕居阿勒楚喀水

金史實嘉努富察部人世居阿勒楚喀水

金史富察和珍阿勒楚喀水人也

金史博勒和舊居阿勒楚喀水徙秦州

呼爾哈河

新唐書列傳渤海王城臨忽汗海

按忽汗即呼爾哈河

音有緩急故不同耳詳前渤海條

金史地理志呼爾哈

舊作胡里改今改正

路置節度使

會寧府東至呼爾哈六百三十里

按呼爾哈路因河為

名詳前金上京條

元史地理志呼爾哈路有呼爾哈江

欽定滿洲源流考

卷十五

山川

三五

明統志呼爾哈

舊作忽兒海今併改

河在開原城東北

一千里源出潭州

在遼中京明志誤也

城東諸山北流

入松花江

明統志呼爾哈

此又訛呼里改今併改

江出建州東南

山下東北匯為鏡泊又北入混同江

按明志誤以呼

里改忽兒海為二河一稱入松花江一稱入混同混同亦即松花江也今考呼爾哈河源

出吉林界內色齊窩集諸河匯為一大河東注入鏡泊鏡泊即畢爾騰湖也又從鏡泊之

發庫東注繞寧古塔城南復東北折入混同

江金史稱呼爾哈路在會寧府東北六百餘里蓋在其下流將入大江之處也明

志稱匯為鏡泊蓋合上流言之也

瑋春河

金史世紀圖們

見瑋春 舊作渾蠢 今改正

水之交烏

庫哩部埒克卓多起兵於穆魯密斯罕城

金史世紀太祖致穆宗教圖們瑋春諸路自

今勿復稱都部長

按瑋春河在寧古塔城東南六百里源出通墾山會

諸小水西南流入圖們江

嫩江

北史太和初勿吉國乙力支貢馬稱初發其

國乘船溯難河西上

按難河即嫩江詳見勿吉行程條

欽定滿洲源流考

卷十五

三

新唐書列傳那河或曰他漏河東北流入黑

水按那河即難河他漏河即今洺爾河洺爾河入嫩江以達混同江入黑龍江

新唐書皆誤詳見前勿吉條

明統志嫩河

原訛腦温今改正

在開原北千里源出

長白山

明志舛誤今仍原文駁正於後

南流入松花江

按嫩江在

齊齊哈爾城西五里古名難水亦曰那河源出內興安嶺由默爾根城西北流至齊齊哈爾東北繞西往南經杜爾伯特郭爾羅斯界入混同江明時稱腦温又稱諾尼音有緩急不同耳至明統志既云出長白山即無南流入松花江之理既係南流入松花江即斷非長白山所出其謬不待辨也

滔爾河

魏書乙力支溯難河西上至太瀚河沈舟於

水南出陸行度洛孤水從契丹西界達和龍

北史自和龍北行至洛瓌水又北行十五日

至太岳魯水

魏書作太魯卽太瀚滔爾也洛瓌洛孤卽今老哈河並詳前勿

吉行
程條

新唐書粟末水西北注它漏河

按它漏卽滔爾滔爾入嫩

江以達松花江此反謂松花江注滔爾舛誤甚矣

遼史上京臨潢府有滔爾河

欽定滿洲源流考

卷十五

山川

三

遼史聖宗太平四年詔改滔爾河爲長春河

遼史原文作他魯亦作撻魯今改正

金史秦州長春縣有滔爾河

原文訛撻魯古考滔爾河源出

科爾沁西北興安山東南流
匯爲納蘭薩蘭池入嫩江

黑龍江

一名完水一名室建河

北史烏洛信國西北有完水東北流合於難

水

舊唐書室韋大山之北有大室韋部落其部

落傍室建河居其河源出突厥東北界俱倫

泊屈曲東流經西室韋界又東經大室韋界
又東經蒙兀室韋之北落俎室韋之南又東
流與那河忽汗河合又東經南黑水靺鞨之
北北黑水靺鞨之南東流注於海

大金國志黑水其水掬之則色微黑契丹目

為混同江

按混同乃松阿哩江雖下流與黑龍江會實係二水此合為一誤

深可二十丈餘狹處可六七十步濶者至百

步

按大金國志為宇文懋昭所撰懋昭本淮西人未嘗親至黑水所云掬之色微黑未

免傳聞之誤實無是事也

欽定滿洲源流考

卷十五

山川

二十六

通考黑水部其水掬之則色微黑目為混同

江

按此亦誤以二江為一水

金史肇州始興縣有黑龍江

按肇州在洺爾河東北距齊齊

哈爾城約五六站

金史勿吉有黑水部唐置黑水府有黑龍江

所謂白山黑水是也

元史太祖紀元年帝即皇帝位於鄂嫩

舊作幹難

今改河之源

明統志黑龍江在開原城北二千五百里

按黑

龍江在黑龍江城東古名黑水亦曰完水又名室建河亦名鄂嫩河源出喀勒喀北界肯特山土人謂之鄂嫩河折而東北流至尼布楚城南一千餘里又三百餘里入黑龍江將軍界又東南至吉林烏拉界會松花江入海黑水之名始於南北朝黑龍江之名見於金史其上源則北史所載之完水舊唐書言源出俱倫泊即今庫倫湖今黑龍江之源自有鄂嫩河庫倫湖上流為克魯倫河其源與鄂嫩河相近而克魯倫又東北入黑龍江此唐書之所以致誤也

屯河

金史屯水赫舍哩部阻五國鷹路穆宗討之

金史穆宗聲言平鷹路敗於屯水而歸

欽定滿洲源流考

卷十五

山川

三九

金史太祖伐温都部與烏庫哩部兵沿屯水

過摩琳鄉

金史太祖自國相襲位屯水民來附

金史烏春等為難拉必兄弟乘此結屯水之

民

金史忠義傳酬斡從太祖伐遼率屯水路兵

招撫薩木丹錫里肯巴噶三水拜格城邑皆

降之

金史宗尹授世襲夫餘路屯河明安

元史海蘭府碩達勒達等路詳見前疆域門設萬戶

府五一日屯距上京四千里舊訛四十里今改按屯河在寧

古塔城東北七百里出屯窩集入混同江金史訛陶温亦作土温濤温元史訛桃温今併改

哈勒琿河

金史昭祖威順皇后圖克坦氏哈勒琿舊作活刺

渾今改正水達魯鄉人

金史昂本名瓚都授上京路額勒敏哈勒琿河世襲明安

欽定滿洲源流考 卷十五 山川 三

金史拉必瑪察兄弟者哈勒琿水赫林鄉赫

舍哩部人

金史拉必瑪察與世祖遇於野鵲水罕都入

敵陣鏖擊之烏春烏木罕據哈勒琿水世祖

既許之降遂還軍

金史哈勒琿水赫舍哩部拉必瑪察叛頗克

綽歡從之

金史舍音爲會寧牧海陵獵於哈勒琿水舍

音編立圍場凡平日不相能者輒杖之

明統志哈勒琿舊作忽刺温今併改江在開原城北九

百里南流入松花江按哈勒琿穆昆河在吉林城西南九百里源出

納嚕窩集東流合賽音訥音河入松花江即温水河也明志所稱未得其實

奧婁河

新唐書萬歲通天中渤海大祚榮保太白山

之東北阻奧婁河樹壁自固按太白即長白奧婁河當為阿

嚕河源出吉林安班和托峯一西南流入哈達河一流至開原入清河

葍芋泊

元一統志葍芋泊在定遼衛契丹地志云泚

欽定滿洲源流考

卷十五

山川

三

水即古泥河也自東逆流數百里至遼陽瀦

畜不流有葍芋草生於泊中故名

明統志泥河一名泚水又曰葍芋灤水多葍

芋之草按泥河在海城西南六十五里源出聖水山流至米真山散漫為遼時葍

芋灤非朝鮮界內之泚江也

謹案馬訾載於漢書速末詳於魏史自唐以

後志遼東諸水者亦繁博矣而稱引紛淆圖

經舛錯或一水而誤以為二或異派而誤以

為同臆揣訛傳頗多失實今皆溯其源流審

其分合謹於各條下加按釐正之俾考者得以徵信云

附載

弱水

後漢書夫餘國北有弱水

晉書肅慎國北極弱水案弱水未詳所在惟金史載有陷泉屬臨

府

掩漉水

後漢書東明南至掩漉水注云今高麗中有蓋斯水疑此水是

欽定滿洲源流考

卷十五

山川

三

也梁書作掩滯水

魏畧東明南至施掩水以弓擊水魚鼈浮爲

橋東明得渡因王夫餘之地

隋書東明逃至掩水夫餘人共奉之

于已尼大水

北史于已尼大水即北海

唐會要黑水靺鞨北至小海案皇輿全圖黑龍江極北有

小海當即北史所云于已尼大水也

勃錯水

通鑑唐貞觀十九年親征高麗攻安市城不克引還渡遼水遼澤泥淖車馬不通命長孫無忌剪草填道至蒲溝駐馬督填道諸軍渡勃錯水暴風雪士卒沾濕案勃錯水當與遼河相近明志云在海州衛西北

布呼江

元史海蘭路萬戶府五一曰布呼江布呼滿洲語鹿也舊作孛苦今改

錫馨水

欽定滿洲源流考

卷十五

山川

三

金史錫馨舊作星顯今改水赫舍哩部阿蘇阻兵為難穆宗自將伐之

金史洪果達呼布世居錫馨水

金史阿蘇錫馨水赫舍哩部人世祖破烏春還阿蘇父阿哈迎謁於桑阿塔灤

金史烏雅和囉噶海蘭路錫馨水人後授愛呼見前水穆昆因家焉

鄂敏水 特克新特布水 舍音水

金史景祖時鄂敏舊作幹混今改水富察部特克新

特布舊作泰神水完顏部圖們見前水温特赫

部舍音舊作神水完顏部皆相繼來附

金史伊克居舍音水完顏部為其部貝勒與

鄂敏水富察部特克新特布水完顏部圖們

水温特赫部俱來歸金之為國自此益大

金史完顏伊爾必斯海蘭路特克新必喇明

安人

金史通恩阿爾本特克新水赫舍哩部人

穆稜水

欽定滿洲源流考

卷十五

山川

三

金史拉必瑪察敗於穆稜舊作暮水瑪察遜

去頗克綽歡與拉必就擒

金史拉必據穆稜水保固險阻世祖率兵圍

之

金史拉必瑪察據穆稜水世祖擒拉必穆稜

水人尚反側不自安使阿里罕往撫察之

野鵲水 巴喇密特水

金史拉必瑪察掠拉林水牧馬世祖至混同

江與穆宗分軍世祖自圖古勒津倍道兼行

遇拉必於野鵲水穆宗自額圖瑋津渡江遇

敵於巴喇密特

舊作蒲盧水
買今改

金史收國二年南路都統幹魯來見於巴喇

密特水

金史五國穆延部蘇頁叛遼景祖伐之蘇頁

敗走巴喇密特灤時方十月冰忽解蘇頁不

能軍衆潰去

哲克依水

金史瑪察尚據哲克依

舊作直屋
鎧今改

水肅宗使

欽定滿洲源流考

卷十五

山川

三

太祖先取瑪察家屬康宗至哲克依水圍之

太祖會軍親獲瑪察

金史瑪察據哲克依水招之不聽太祖獲瑪

察殺之

刷水

金史瑪察據哲克依水繕完營堡杜絕往來

者恃屯水民為助使康宗伐之是歲白山混

同江大溢水與岸齊康宗自阿林岡乘舟至

於刷

舊作帥
今改

水舍舟沿刷水而進

金史太祖以偏師伐尼瑪哈部沿刷水夜行襲之

金史太祖伐尼瑪哈部刷水摩囉歡村平之

金史景祖昭肅皇后刷水鄂約村唐古部人

金史唐古德温傳唐古德温本名阿里上京

刷河人也

布克坦水 摩多圖水 舍琿水 特克水

金史和諾克薩克達與布呼薩克蘇及混同

江左右布克坦舊作匹古埠今改水北諸部兵皆會

欽定滿洲源流考

卷十五

山川

三

和諾克恃其衆有必勝之心摩多圖舊作波多吐今

改水費摩部鄂博貝勒附世祖和諾克等縱

火焚之

金史世祖以偏師涉舍琿舊作舍狠今改水經特克

舊作貼割今改水覆和諾克薩克達之家大霧晦冥

迷失道至摩多圖水乃覺

金史世祖破和諾克薩克達軍乘勝逐之自

安巴灣至於北隘甸死者如仆麻摩多圖水

爲之赤

矩威水 圖塔水 拜格河

金史穆宗令矩威圖塔

舊作主僂
秃荅今改

兩水之民

陽為阻絕鷹路敗於屯水

見前而歸

金史穆宗使蒲嘉努以遼賜給矩威圖塔之民且修鷹路而歸

金史穆宗使矩威圖塔水人偽阻鷹路者且使言於遼平鷹路非已不可敗於屯水謂遼人曰吾平鷹路也遼使來賞之穆宗盡以其物與矩威圖塔之人

欽定滿洲源流考

卷十五

山川

三

金史天輔四年九月矩威水部錫勒哈達殺綽哈布古德斡叛命斡魯討之

金史矩威水部錫勒哈達殺綽哈布古德斡魯討之綽哈宗室子招降矩威水部以功為穆昆布古德領行軍千戶至是同被害

金史忠義傳布固德與綽哈俱招降矩威水部族天輔五年綽哈布固德往拜格河籍軍馬矩威水部殺綽哈布固德

納琳河 梅赫河 音達琿河

〔金史〕珠勒根穆都哩上京納琳河人也後徙

咸平路梅赫河授世襲音達瑋舊作寧打渾今改考金史

屬昌州河穆昆

〔金史〕烏凌噶暉傳第三子天錫世襲納琳河

明安親管穆昆

阿卜薩水

〔金史〕諾延温都思忠阿卜薩舊作阿補斯今改水人

〔金史〕烏春阿卜薩水温都部人

沃稜樂 舒吉樂

欽定滿洲源流考

卷十五

山川

三

〔金史〕收國元年遼駙馬蕭特默等將騎五萬

步四十萬至沃稜舊作斡隣今改樂上自將禦之還

至舒吉舊作熟結今改樂有光見於矛端

〔金史〕太祖未至鴨子河既夜方就枕若有扶

其首者三寤而起曰神明警我也即鳴鼓舉

燧而行黎明及河遼兵方壞陵道選壯士十

輩擊走之大軍繼進遂登岸遼兵潰逐至沃

稜樂

布爾噶水

金史始祖居完顏部布爾噶舊作僕水之涯

和碩河

金史章宗欽懷皇后富察氏上京路和碩舊作

曷速河人也

金史富察鼎壽上京和碩河人

博勒和河

金史布薩忠義上京博勒和舊作拔盧河人

金史德濟呼遜居博勒和水烏春兵出其間
終拒而不從

欽定滿洲源流考

卷十五

山川

三

伊蘇河

金史富察鄂倫上京伊蘇舊作益河人

蘇素海水

金史圖克坦喀齊喀上京蘇素海水人也

納爾琿河 烏楞古河

金史完顏薩哈上京納爾琿舊作納魯河人

也其先居於烏楞古舊作兀冷河

密齊顯河

金史芬徹自上京密齊顯舊作梅河徙屯天

德初爲元帥府章京

沃赫河

〔金史〕天輔四年遼上京留守托卜嘉以城降

壬戌次沃赫河

烏濟赫水

〔金史〕英悼太子葬興陵之側上送至烏濟赫

舊作烏只
黑今改水而還

實霞庫河

〔金史〕瓜爾佳扎拉隆州實霞庫舊作失撒
古今改河

欽定滿洲源流考

卷十五

山川

罕

人也

納爾琿河

〔金史〕瓜爾佳實訥隆州納爾琿舊作納魯
侮今改河

人也案此與上京之納
爾琿當爲兩河

哈沙河

〔金史〕世宗大定二十五年上次哈沙河賜百

歲老姬帛

〔金史〕布薩揆授臨潢府路哈沙河世襲明安

烏爾呼河

金史伊喇富森東北路烏爾呼舊作烏連河

明安人

烏魯斯哈珠水

金史肅宗與和諾克薩克達戰於烏魯斯哈

珠舊作幹魯水已再失利世祖使希卜蘇先

陣於托果原而身出搏戰敗其步軍

海倫河

金史世宗昭德皇后烏凌噶氏其先居海倫

舊作海羅河

欽定滿洲源流考

卷十五

山川

四

德里必喇

金史顯宗孝懿皇后圖克坦氏其先德里必

喇人也

實埒水

金史赫舍哩部阿勒呼丹阻兵普嘉努以偏

師夜行抵實埒舊作石水襲擊破之

圖魯庫水

金史圖魯庫水赫舍哩部阻五國鷹路遼詔

穆宗討之

伯奇圖河

〔金史〕圖克坦克寧授世襲伯奇圖舊作不扎土今改
河明安兼親管穆昆

和琳河

〔金史〕阿里布襲和囉噶圖明安和琳河穆昆

成默水

〔金史〕綽哈撫定成默舊作讒謀今改水拜格部長和索哩以城降

博囉水

欽定滿洲源流考

卷十五

山川

三

〔金史〕天輔二年詔曰博囉舊作匹里今改水路完顏珠勒呼等六穆昆貧乏之民昔嘗給以官糧置之漁獵之地今歷日已久不知登耗可具其數以聞

色辰水

〔金史〕色埒默至色辰舊作斜寸今改水取先在烏春

軍者二十二人

博多和河

〔金史〕烏雅和囉噶子五十六詔授武功將軍

世襲本路博多和

舊作婆朶
火今改

河穆昆

必勒哈水

金史和卓哈斯罕必勒哈

舊作苾里
海今改

水人也

授必勒哈水世襲明安

珠卜奇水

金史赫木頗珠卜奇

舊作木
吉今改

水錫默部人也

和倫水

金史德克德父阿古岱世為和倫

舊作胡
論今改水

部長

欽定滿洲源流考

卷十五

山川

三

南圖琿河

金史瓜爾佳沃哩布南圖琿

舊作暗土
渾今改

河人

寧嘉河

金史富珠哩定方寧嘉

舊作內
吉今改

河人也

音德爾水

金史忠義傳特庫音德爾

舊作雅撻
瀾今改

水人

葉赫水

金史葉赫水納哈塔部安扎與人爭部族官

不得遂歸穆宗

珊沁水

金史珊沁

舊作蟬
春今改

水烏雅部富哲固納畏烏

春強請世祖出兵其間以為重

阿里瑪河

索歡河

特通額水

金史薩里罕察必達爾兄弟嘗寇扎蘭路穆

宗遣博勒和討之至阿里瑪

舊作阿里
門今改

河薩

里罕偽降掠馬畜三百而去博勒和渡索歡

舊作蘇
袞今改

河招降旁近諸部至特通額

舊作特
勝吳今

改水察必達爾偽降復叛執而殺之

欽定滿洲源流考

卷十五

山川

器

伊勒呼水

金史太宗天會二年海蘭路伊勒呼

舊作移
鹿古今

改水霖雨

金史海蘭路有伊勒呼水

庫特呼河

金史額哩頁咸平路庫特呼

舊作窟吐
忽今改

河人

雅哈河

金史忠義傳納喇綽奇咸平路雅哈

舊作伊
改今改

河明安人

鄂爾和水

金史高永昌率眾來拒遇於鄂爾和舊作沃里活今

改水我軍既濟永昌之軍不戰而却逐北至

東京城下按明志刪去原文沃里二字稱高永昌拒金兵於活水謂即渾河殊

誤

威泰必喇

金史富察鄭留東京路威泰舊作幹底今改必喇明

安人

諤都河

欽定滿洲源流考

卷十五

山川

五

金史富察世傑哈斯罕諤都舊作幹薦今改河人

德里川

案此與德里必喇是否一水實不可考今兩存之

金史天輔六年齋貝勒昱襲皮室部於德里

舊作鐵呂今改

川追至潢水北大破之

必爾罕水

金史遼人來攻貝勒和索哩城阿里赴之破

其眾於必爾罕

舊作闡離罕今改

水上水爲之不流

富埒赫哈爾吉水馬韓島凡十餘戰破數十

萬眾契丹奚人聚舟千艘將入於海阿里以

二十七舟邀之於是蘇復州博索路皆平

伊瑪河 約羅河

金史世宗二十一年詔遣大興尹完顏托果

斯遷河北東路兩明安上曰朕始令移此欲

令女真戶相錯安置久則自相姻親不生異

意此長久之利也今者伊瑪舊作移馬今改河明安

相錯以居甚符朕意而約羅舊作遙落今改河明安

不如此可按視其地以雜居之案此戶雖已遷仍以舊地

為明安之名

欽定滿洲源流考

卷十五

山川

渠

斜江

元一統志斜江在遼陽縣東按圖冊源自長

白山南流經廢博索府東十里流入於海

穩圖河

明統志穩圖河在開原城東五百里源出坊

州北山北流入松花江按今無此河名惟寧古塔城東北九百餘

里有溫屯河南流入混同又興京西有溫都河入渾河俱不相合坊州見疆域門河州條

哈喇河

明統志哈喇河在開原城東四百里源出長

白山北松山東流合輝發江入松花江

案吉林境

丙入輝發江之水頗多惟無哈喇河

綽烏河

明統志綽烏河在開原城東北五百七十里

出建州東南山東北流合圖魯瑪河入松花

江

案河名無考係傳聞之誤

謹案自弱水以下散見諸書而地難指實蓋

譯對既易傳訛而今古亦多殊號卽有稱名

欽定滿洲源流考

卷十五

山川

四七

偶同者仍未敢據以爲是並類附於後以備

參稽其在前卷已因山附見者亦不復複敘

云

欽定滿洲源流考卷十五

